




土岐文庫  
文庫17  
W123  
2



13-2

文庫 17  
W123  
2

杜工部集卷之三目錄

○古詩七十八首

· 貽阮隱居

· 遣興三首

· 昔遊

· 幽人

· 佳人

· 赤谷西崦人家

杜工部集卷三目錄

一

玉勾草堂

昭和六十年二月一日  
土岐羊吉唐氏寄贈

010185185805

西枝村尋置草堂地夜宿贊公土室二  
首

寄贊上人

太平寺泉眼

夢李白二首

有懷鄭十八司戶

遣興五首

遣興五首

遣興五首

前出塞九首

後出塞五首

別贊上人

萬丈潭

兩當縣吳十侍御江上宅

發秦州

赤谷

鐵堂峽

鹽井

寒硤

法鏡寺

青陽峽

龍門鎮

石龕

積草嶺

泥功山

鳳凰臺

乾元中寓居同谷縣作歌七首

發同谷縣

木皮嶺

白沙渡

水會渡

飛仙閣

五盤

龍門閣

石櫃閣

桔栢渡

劔門

鹿頭山

成都府

杜工部集卷之三目錄終

杜工部集卷之三

古詩七十八首

寓秦州及同谷縣行赴蜀中作

貽阮隱居

助

陳畱風俗衰人物世不數塞上得阮生迴繼

先父祖貧知靜者性自晉作益毛髮古車馬

入隣家蓬蒿翳環堵清詩近道要識子一作

用心苦尋我草逕微褰裳踏寒雨更議居遠

村避喧甘猛虎足明箕穎客榮貴如糞土



遣興三首

下馬古戰場四顧但茫然風悲浮雲去黃葉

墜一作我前朽骨穴螻蟻又為蔓草纏故老

行歎息今人尙開邊漢虜互勝負樊作封疆

不常全安得廉耻一作將三軍同晏眠

高秋登塞一作山南望馬邑州降虜東擊胡

壯健盡不畱穹廬莽牢落上有行雲愁老弱

哭道路願聞甲兵休鄴中事反覆蕭條云何死

人積如邱諸將已茅土載驅誰與謀

豐年孰一云既云遲甘澤不在早耕田秋雨

足禾黍已映道春苗九月交顏色同日老勸

汝衡門士勿悲尙枯槁時來展材力先後無

醜好但訝鹿皮翁忘機對芳一作草

昔遊

昔謁華蓋君深求洞宮脚陳作綠袍玉陳作

棺已上天白日亦寂一作冥暮昇長岑一作峰

項巾儿猶未却弟子四五人入來淚俱落余

時游名山發輒在遠壑良覲違夙願含凄晉作

悽向寥廓林昏罷幽磬竟夜伏石閣王喬下

天壇微月映皓鶴晨溪嚮虛駛歸徑行已昨

豈辭青鞵胝悵望一云惆悵金七藥東蒙赴舊隱

尚憶同志樂休一作伏事董先生于今獨蕭索

胡為客關塞道意久衰薄妻子亦何人丹砂

負前諾雖悲鬢髮變一云鬚髮變未憂筋力弱扶

杖一作藜望清秋有興入廬霍

幽人

孤雲亦羣遊神物有所歸麟一作靈鳳在赤霄

何當一作嘗一來儀往與惠荀一作詢輩中年滄

洲期天高無消息棄我忽若遺內懼非道流

幽人見一作在瑕疵洪濤隱語笑一作樊作鼓柁蓬

萊池崔嵬扶桑日照曜珊瑚枝風帆倚翠蓋

一作巘一作暮把東皇衣嘯嗽元和津所思烟霞一作

霧微知名未足稱局促商山芝五湖復浩蕩  
歲暮有餘悲

佳人

絕代有佳人幽居在空山一作山谷自云良家子

零落依草木關中昔喪敗一作亂兄弟遭殺戮

官高何足論不得收骨肉世情惡衰歇萬事

隨轉燭夫婿輕薄兒新人已一作美如玉合昏

尚知時鴛鴦不獨宿但見新人笑那聞舊人

哭在山泉水清出山泉水濁侍婢賣珠迴牽

蘿補茅屋摘花不插髮一作髻采柏動盈掬

一作握天寒翠袖薄日暮倚修竹

赤谷西崦人家

躋險不自喧一作荆作宣出郊已清目溪迴日氣

暖逕轉山田熟鳥雀依茅茨藩籬帶松菊如

行武陵暮欲問桃花一作源宿

西枝村尋置草堂地宿贊公土室二首



出郭眄細岑披榛得微路溪行一流水曲折  
方屢渡贊公湯休徒好靜心迹素昨枉霞上  
作盛論岩中趣怡然共攜手恣意同遠步捫  
蘿澀先登陟巘眩反顧要求陽岡煖苦陟晉作  
步陰嶺沍惆悵老大藤沈吟屈蟠樹卜居意  
未展杖策廻且暮層巔一作天餘落日草蔓已  
多露

天寒鳥已歸月出人晉作山更一作已靜土室延

白光松門耿疎影躋攀倦日短語樂寄夜永

明燃林中薪暗汲石底一作泉井大師京國舊

德業天機秉從來支許遊興趣江湖迴數奇

謫關塞道廣存箕穎何知戎馬間復接塵事

屏幽尋豈一路遠色有諸嶺晨光稍矇矓更

越西南頂

寄贊上人

一昨陪錫杖卜隣南山幽年侵腰脚衰未便

陰崖秋重岡北面起竟日陽光留茅屋買一作

置兼土斯焉心所求近聞西枝西有谷杉黍

一作漆稠亭午頗和暖石一作田又足收當期

塞一作寒兩乾宿昔齒疾瘳徘徊虎穴上面勢

龍泓頭柴荆具茶茗逕一作遙路通林邱與子

成二老來往亦風流

### 太平寺泉眼

招提憑高岡疎散連草莽出泉枯柳根汲引

歲月古石間門一作見海眼天畔縈水府廣深

丈尺間宴息敢輕侮青白二小虵幽姿可時

覩如絲氣或上爛熳為雲雨山頭到山下鑿

井不盡土取供十方僧香美勝牛乳北風起

寒文弱藻舒一作翠縷明涵客衣淨細蕩林

影趣何當宅下流餘潤通藥圃三春濕黃精

一食生毛羽

### 夢李白二首

木身卷之三

死別已吞聲生別常惻惻江南瘴癘地逐一作

遠客無消息故人入我夢明我長相憶恐非

平生魂路遠一作迷不可測魂來楓葉一作林青

魂一作夢返關塞黑君今在羅網何以一作似有

羽翼落月滿屋梁猶疑照樊作見顏色水深波

浪濶無使蛟龍得

浮雲終日行遊子久不至三夜頻夢君情親

見君意告歸常局促苦道來不易江湖多風

波多風云秋舟楫恐失墜出門搔白首若一作苦

負平生志冠蓋滿京華斯人獨顛顛孰云網

恢恢將老身一作才反累千秋萬歲名寂寞身

後事

有懷台州鄭十八司戶虔

天台隔三江一云江海風浪無晨暮鄭公縱得歸

老病不識路昔如水一作晉作天上鷗今如樊作爲

置中兔性命由他人悲辛但狂顧山鬼獨一

杜集卷之三

七

玉勾草堂

脚頭蛇長如樹呼號傷孤城歲月誰與度從  
來禦魑魅多為一作才名悞夫子嵇阮流更  
被一作遭一作時俗惡海隅微小吏眼暗髮垂素黃  
帽映一作杖一云鳩一作青袍非供折腰具平生一杯酒  
見我故人遇相望無所成乾坤莽迴互

遣興五首

蟄龍三冬臥老鶴萬里心昔時賢俊人未遇  
猶視今嵇康不得死一云且孔明有知音又  
如壠底一作隴坻一作松用捨在所尋大哉霜雪幹  
歲久為枯林

昔者一作龐德公未曾入州府襄陽耆舊聞

處士節獨一作苦豈無濟時策一作終竟畏

羅罟一作終歲林茂鳥有歸水深魚知聚舉

家依一作鹿門劉表焉得取

我今日夜憂諸弟各異方不知死與生何況  
道路長避寇一分散饑寒永相望豈無柴門

歸一作掃欲出畏虎狼仰看雲中雁禽鳥亦有行

蓬生非無根漂蕩隨高風天寒落萬里不復歸本叢客子念故宅三年門巷空悵望但烽火戎車滿關東生涯能幾何常在羈旅中昔在洛陽時親友相追攀送客東郊道遨遊宿南山烟塵阻長河樹羽成臯聞迴首載酒地豈無一日還丈夫貴壯健慘戚非朱顏

遺興五首

朔風飄胡雁慘澹帶砂礫長林何蕭蕭秋草萋更碧北里富薰天高樓夜吹笛焉知南隣客九月猶絺綌

長陵銳頭兒出獵待明發一作解驛一作解弓金爪鏑

白馬蹴微雪未知所馳逐但見暮光滅歸來懸兩狼門戶有旌節

漆有用而割膏以明自煎蘭摧白露下桂折

秋風前府中羅舊尹沙道尚依然赫赫蕭京

兆今為時所憐

猛虎憑其威往往遭急縛雷吼徒咆哮枝撐

已在脚忽看皮寢處無復睛閃爍人有甚于

斯足以勸一作元惡

朝逢一作富家葬前後皆見輝光共指親

戚大總麻百夫行送者各有死不須羨其強

君看束練一作去亦得歸山岡

遺興五首

天用莫如龍有時繫扶桑頓轡海徒涌神人

身更長性命苟不存英雄徒自強吞聲勿復

道真宰意茫茫

地用莫如馬無良復誰記此日千里鳴追風

可君意君看渥洼種態與駑駘異不雜一作在

蹄齧間逍遙有能事

陶潛避俗翁未必能達道觀其著詩集頗亦

恨枯槁達生豈是足默識蓋不早有子賢與  
愚何其掛懷抱

賀公雅吳語在位常清狂上疏乞骸骨黃冠

歸故鄉爽氣不可致斯人今則亡山陰一茅

宇江

一作淮海日淒涼

吾憐孟浩然襤褐卽長夜賦詩何必多往往

凌鮑謝清江空舊魚

一作舊魚美  
一作舊美魚

春雨餘甘

蔗每望東南雲令人幾悲吒

前出塞九首

戚戚去故里悠悠赴交河公家有程期亡命  
嬰禍羅君已富土境開邊一何多棄絕父母  
恩吞聲行負戈

出門日已遠不受徒旅欺骨肉恩豈斷男兒

死無時走馬脫轡頭手中挑青絲捷下萬仞

一作丈岡俯身試塞旗

磨刀鳴咽

一作呼

水水赤刃傷手欲輕腸斷聲

心緒亂已久，丈夫誓許國。憤惋復何有，功名圖騏驎。戰骨當速朽。

送徒既有長，遠戍亦有身。生死向前去，不勞吏怒嗔。路逢相識人，附書與六親。哀哉兩決絕，不復同一作苦辛。

迢迢萬餘里，領我赴三軍。軍中異苦樂，主將寧盡聞。隔河見胡騎，倏忽數百羣。我始為奴僕，幾時樹功勳。

挽弓當挽強，用箭當用長。射人先射馬，擒賊先擒王。殺人亦有限，列一作國自有疆。苟能制侵陵，豈在多殺傷。

驅馬天雨雪，軍行入高山。逕危抱寒石，指落曾水間。已去漢月遠，何時築城還。浮雲暮南征，可望不可攀。

單于寇我壘，百里風塵昏。雄劍四五動，彼軍為我奔。虜其名王歸，繫頸授轅門。潛身備行



列一勝何足論

從軍十年餘能無分寸功衆人貴苟得欲語  
羞雷同中原有鬪爭况在狄與戎丈夫四方  
志安可辭固一作窮

後出塞五首

男兒生世間及壯當封侯戰伐有功業焉能  
守舊邱召募赴薊門軍動不可阻千金買馬  
鞭一作百金裝刀頭閭里送我行親戚擁道  
周斑白居易上列酒酣進庶羞少年別有贈舍  
笑看吳鉤

朝進東門營一作營門暮上河陽橋落日照大旗

馬鳴風蕭蕭平沙列萬幕部伍各見招中天  
懸明月令嚴夜寂寥悲筳數聲動壯士慘不  
驕借問大將誰恐是霍嫖姚

古人重守邊今人一作日重高勳豈知英雄主

出師亘英華作直長雲六合已一家四夸且孤軍

遂使貔

樊作螭

虎

一作武

士奮身勇所聞拔劍擊

大荒日收胡馬羣誓開元冥北持以奉吾君

獻凱日繼踵兩蕃靜無虞漁陽豪俠地擊鼓

吹笙等雲帆轉遼海粳稻來東吳越羅與楚

練照耀輿臺軀主將位益崇氣驕凌上都邊

人不敢議議者死路衢

我本良家子出師亦多門將驕益愁思身貴

不足論躍馬二十年恐辜明主恩坐見幽州

騎長驅河洛昏中夜間道歸故里但空村惡

名幸脫免窮老無兒孫

別贊上人

百川日東流客去亦不息我生苦

一作苦

漂蕩

何時有終極贊公釋門老放逐來上國還為

世塵嬰頗帶顛顛色楊枝晨在手豆子雨

一作

兩已熟是身如浮雲安可限南北異縣逢舊

友

一作交

初忻寫胸臆天長關塞寒

一作遠

歲暮

饑凍一作寒逼野風吹征衣欲別向曛黑曛一作昏

馬嘶一作鳴思故櫪歸鳥盡斂翼古來聚散地

宿昔長荆棘相看俱衰年出處各努力

萬丈潭同谷縣作

青溪合趙鴻刻冥冥神物有顯晦龍依積水

蟠窟壓萬丈內跼步凌垠堞側身下烟靄前

臨洪濤寬却立蒼石大山危一徑盡崖一作岸

絕兩壁對削成根虛無倒影垂澹瀨趙作瀨

黑如陳作黃灣濼底清見光州礫孤雲一作方輿

倒來深飛鳥不在外高蘿成帷一作帳幄寒木

累一作壘旌旆遠川曲通流嵌竇潛洩瀨造幽

無人境發興自我輩告歸遺恨多將老斯遊

最閉藏修鱗蟄出入巨石趙作瓜礙何事趙作當

暑一作炎天過快意風雨一作雲會

兩當縣吳十侍御江上宅

寒城朝烟澹山谷落葉赤陰風千里來吹汝

江上宅鷓鴣號枉渚日色傷阡陌借問持斧翁  
幾年長沙客哀哀失木狢矯矯避弓翮亦知  
故鄉樂未敢思宿昔昔在鳳翔都共通金  
閨一作門籍天子猶蒙塵東郊暗長戟兵家忌  
間謀此輩常接跡臺中領舉劾君必慎剖析  
不忍殺無辜所以分白黑上官權許與失意  
見遷斥仲尼甘旅人向子識損益朝廷非不  
知閉口休歎息樊本仲尼一聯余時忝諍臣  
丹陛實咫尺相看受狼狽至死難塞責行邁  
心多違出門無與適於公負明義惆悵頭更  
白

發秦州

乾元二年自秦州赴同谷縣紀行十二首

我衰更嬾拙生事不自謀無食問樂土無衣  
思南州漢源十月交天氣涼如秋草木未黃  
落况聞山水一作東幽栗亭名更佳下有良田  
疇充腸多薯蕷崖蜜亦易求密竹復冬筍清

池可方舟雖傷一作旅寓遠庶遂平生遊此

邦俯要衝實恐人事稠應接非本性登臨未

銷憂谿谷無異石塞田始微收豈復慰老夫

一作惘一作然難久留日色隱孤戍鳥啼滿

城頭中宵驅車去飲馬寒塘流磊落星月高

蒼茫雲霧浮大哉乾坤內吾道長悠悠

### 赤谷

天寒霜雪繁遊子有所之豈但歲月暮重來

未有期未期晨發赤谷亭險艱一作方自

茲亂石無改轍我車已載脂山深苦多風落

日童稚饑悄然村墟迴烟火何由追貧病轉

零落飄零故鄉不可思常恐死道路永為高

人嗷

### 鐵堂峽

山風吹遊子縹緲乘險絕硤形藏堂隍壁色

立積精荆作鐵徑摩穹蒼蟠石與厚地裂修纖

無垠一作限竹嵌空一作孔太始雪威遲哀壑底  
徒旅慘不悅一作徒懷水寒長水橫我馬骨  
正折生涯抵弧失盜賊殊未滅飄蓬踰三年  
迴首肝肺熱

鹽井

鹵中草木白青者官鹽烟官作既有程煮鹽  
烟在川汲井歲楫楫草堂本云當作楫楫出車日連連  
自公斗三百轉致斛六千君子慎止足小人  
苦喧闐我何良歎嗟物理固自然一云亦固然

寒硤

行邁日悄悄山谷勢多端雲門轉絕岸積阻  
霾天寒寒硤不可度我實一作貧衣裳單况當  
仲冬交泝訟增波瀾野人尋烟語行子傷水  
餐此生免荷芟未敢辭路難

法鏡寺

身危適他州勉強終勞苦神傷山行深愁破

崖寺古、嬋娟碧、鮮淨蕭、撼寒蕓、聚回回、一作洞洞

山一作石根水、冉冉松、上雨洩、雲蒙清、晨初日

翳復吐、朱薨半、光炯戶、牖粲可、數挂一作枉策

忘前期、出蘿已、亭午冥、冥子規、叫微徑、不復

一作敢取

### 青陽峽

塞外苦、厭山南、行道一云登路彌惡、岡巒相、經亘

雲水氣、參錯林、迴峽角、來天窄一作穿壁面、削

嶺西五、里石奮、怒向我、落仰看、日車側、俯恐

坤軸弱、魑魅嘯、有一作有狂風霜、霰浩漠、漠昨憶

憶一作昨踰隴、坂高秋、視吳岳、東笑蓮、華卑北、知

崆峒薄、超然侔、壯觀已、謂殷一作隱寥廓、突兀

猶趁人、及茲歎、一作谷冥冥

### 龍門鎮

細泉兼、輕水沮、沱棧道、濕不辭、辛苦行、迫一作

迨此短、景急石、門雪雲一作雲雷隘一作溢古鎮、峰

本集卷之三  
巒集旌竿暮慘澹風水白刃澀胡馬屯成臯  
防虞此何及嗟爾遠戍人山寒夜中泣

石龕

熊羆咆我東虎豹號我西我後鬼長嘯我前  
猱又啼天寒昏無日山遠道路迷驅車石龕  
下仲冬見虹蜺伐竹一作木者誰子悲詞上一作  
抱雲梯為官採美箭五歲供梁齊苦云直籥  
一作箭盡無以充一作應提攜奈何漁陽騎颯颯  
驚蒸黎

積草嶺

連峰積長陰白日遮隱見颼颼林響交慘慘  
石狀變山分一作外積草嶺路異明水縣旅泊  
吾道窮一作東衰年歲時倦卜居尚百里休駕  
投諸彥邑有佳主人情如已會面來書語絕  
妙遠客驚深眷食蕨不願餘茅茨眼中見

泥功山



朝行青泥上暮在青泥中泥濘一作非一時

版築勞人功不畏道途一作永乃將一云反

及汨沒同白馬為鐵驪小兒成老翁哀猿一作

透却墜死鹿力所窮寄語北來人後來莫

忽忽

鳳凰臺山峻不至高頂

亭亭鳳凰臺北對西康州西伯今寂寞鳳聲

亦悠悠山峻路絕蹤石林氣高浮安得萬丈

梯為君上上頭恐有無母雛饑寒日啾啾云

啾我能剖心出方輿勝覽飲啄慰孤愁心以

當竹實炯然無方輿外求血以當醴泉豈徒

比清流所重王者瑞敢辭微命休坐看綵翮

長一作舉意八極周自天銜瑞圖一作圖識

飛下十二樓圖以奉一作獻至尊鳳以垂鴻猷

再光中興業一洗蒼生憂深衷正方輿為此

羣盜何淹留

乾元中寓居同谷縣作歌七首

有客有客字子美白頭亂一作短髮垂過一作兩

耳歲拾橡栗隨狙公天寒日暮山谷裏中原

無書一作主歸不得手脚凍皴皮肉死嗚呼一

歌兮歌已一作獨哀悲風為我從天一作東來

長鑱長鑱白木柄我生託子以為命黃精一作

獨無苗山雪盛短衣數挽不掩脛此時與子

空一作同歸來男呻女吟四壁靜嗚呼二歌兮

歌始放鄰間一作里為我色惆悵

有弟有弟在遠方一作各三人各瘦何人強

生別展轉不相見胡塵暗天道路長東飛鴛

鵝後鴉鵲安得送我置汝旁嗚呼三歌兮歌

三發汝歸何處收一作取兄骨

有妹有妹在鍾離良人早歿諸孤癡長淮浪

高蛟龍怒十年不見來何時一作遲扁舟欲往

箭滿眼杳杳南國多旌旗嗚呼四歌兮歌四

奏林猿

一作竹林浩然  
本作竹林猿

為我啼清晝

四山多風溪水急寒雨

一作風

颯颯枯樹

一作樹枝

濕黃蒿古城雲不開白

一作元

狐跳梁黃狐

我生何為在窮谷中夜起坐萬感集嗚呼

歌兮歌正長魂招不來歸故鄉

南有龍兮在山湫古木龍嵒枝相樛木葉黃

落龍正蟄蝮蛇東來水上遊不怪此安作

寒敢出振劍欲斬且復休嗚呼六歌兮歌思

遲

遲遲

怨溪壑為我廻春姿

男兒生不成名身已老十一作

年饑走荒山

道長安卿相多少年富貴應須致身早山中

儒生舊相識但話宿昔傷懷抱嗚呼七歌兮

悄終曲仰視皇天白日速

發同谷縣

乾元二年十二月一日  
自隴右赴劍南紀行

賢有不黔突聖有不暖席况我饑愚人

一作夫

焉能尚安宅始來茲山中休駕喜

一作嘉

地僻

奈何迫物累一歲四行役忡忡去絕境杳杳  
更遠適停驂龍潭雲迴首白一作虎崖石臨岐  
別數子握手淚再滴交情無舊深一作雖無  
舊深知一  
作雖舊情深知窮老多慘感平生嬾拙意偶值棲遁  
跡去住與願違仰慙林間翮

木皮嶺

首路栗亭西尙想鳳皇村季冬攜童一作幼稚  
辛苦赴蜀門南登木皮嶺艱險不易論汗流

被我體所寒爲之暄遠岫一作峒爭輔佐千巖

自崩奔始知五岳外別一作更有一作見他山尊

仰干一作看塞大明俯入裂厚坤再聞虎豹鬪

屢踟風水昏高有廢閣道摧折如短一作斷轅

下有冬青林石上走長根西崖特秀發煥若

靈芝繁潤聚金碧氣清無沙土痕憶觀崑崙

圖一作墟目擊元圃存對此欲何適默傷垂老

魂

白沙渡

畏途隨長江，渡口下絕岸。差池上舟楫，杳窅入雲漢。天寒荒野外，日暮中流半。我馬向北嘶，山猿飲相喚。水清石礚礚，沙白灘漫漫。迴一作然洗愁辛，多病一疎散。高壁抵嶽峯，一作峯一作洪濤越凌亂。臨風獨迴首，攬轡復三歎。

水會渡

一云水回渡

山行有常程，中夜尚未安。微月沒已久，崖傾

路何難。大江動當一作我前洶，若溟渤寬。篙師

暗理楫，歌笑輕波瀾。霜濃木石滑，風急一作烈一作

列一作手足寒。入舟已千憂，陟巘仍萬盤。迴一作迴一作

眺一作出積水石一作外，始知衆星乾。遠遊令人

瘦，衰疾慙加餐。

飛仙閣

土一作門山行窄，微徑緣秋毫。一云徑微棧

雲闌干峻，梯石結構牢。萬壑欹疎林，一作積

陰帶奔濤寒日外淡泊長風中怒號歇鞍在  
地底始覺所歷高往來雜坐卧人馬同疲勞  
浮生有定分饑飽豈可逃歎息謂妻子我何  
隨汝一作曹

五盤

五盤雖云險山色佳有餘仰凌棧道閣一作細  
俯映江木疎地僻無網罟水清反多魚好鳥  
不妄飛野人半巢居喜見淳朴俗坦然心神  
舒東郊尚格鬪巨一作猶何時除故鄉有弟  
妹流落隨邱墟成都萬事好一作豈若歸吾  
廬

龍門閣

清江下龍門絕壁無尺土長風駕高一作白浪  
浩浩自太古危途中縈盤一作縈仰望垂綫  
縷滑石欹誰鑿浮梁裊相拄目眩隕雜花頭  
風吹過雨一云過百年不敢料一墜那得取

飽聞一作知經瞿塘足見度大庾終身歷艱險  
恐懼從此數

石櫃閣

季冬一作冬日已長山晚半天赤蜀道多早花  
江間饒奇石石櫃曾波上臨虛蕩高壁清暉  
回羣鷗暝色帶遠客羈棲負幽意感歎向絕  
跡信甘孱懦嬰不獨凍餒迫優遊謝康樂放  
浪陶彭澤吾衰未自安一作謝爾性所有

適

桔柏渡

青冥寒江渡駕竹為長橋竿濕烟一作竿濕一作竹漠  
漠江永一作水風蕭蕭連竿動嫋娜征衣颯颯  
颯急流鵝鷓散絕岸鼉鼉驕西轅自茲異東  
逝不可要高通荆門路闊會滄海潮孤光隱  
顧眄遊子悵寂寥無以洗心胸前登但山椒

劔門

惟天有設險劍門一作閣天下壯連山抱西南

石角皆北向兩崖崇墉倚刻畫城郭狀一夫

怒臨關一作門百萬未可傍一作仰珠玉陳作玉帛走

中原岷峨氣悽愴三皇五帝前雞犬各相一作

自放後王尚柔遠職貢道已喪至今英雄人

高視見霸王并吞與割據極力不相讓吾將

罪真宰意欲鏹疊嶂恐此復偶然臨風默一作

歸惆悵

鹿頭山

鹿頭何亭亭是日慰饑渴連山西南斷俯見

千里豁遊子出京華一云咸京劍門不可越及茲

險阻盡始喜原野闊殊方昔三分霸氣曾問

發天下今一家雲端失雙闕悠然想揚馬繼

起名碑兀有文一作才令人傷何處理爾骨紆

餘脂膏地慘澹豪俠窟仗鉞非老臣宣風豈

專達冀公柱石姿論道邦國活斯人亦何幸



公鎮踰歲月

僕射裴冀公冕

成都府

翳翳桑榆日照我征衣裳我行山川異忽在

天一方但逢新人民未卜見故鄉大江東流

去

一作從東來

游子去日

一作日月

長曾城填華屋季

冬樹木蒼喧然名都會吹簫間

一作奏

笙簧信

美無與適側身望川梁鳥雀夜各歸中原杳

茫茫初月出不高衆星尙爭光自古有羈旅

我何苦哀傷

杜工部集卷之三

杜集卷之三

五

玉勾草堂

杜工部集卷之四目錄

古詩三十七首

石筍行

石犀行

杜鵑行

贈蜀僧闍邱師兄

泛溪

題壁上韋偃畫馬歌

戲題畫山水圖歌

題李尊師松樹障子歌

戲為雙松圖歌

投簡成華兩縣諸子

徐卿二子歌

病栢

病橘

枯櫟

枯柟

丈人山

百憂集行

戲作花卿歌

入奏行

柟樹為風雨所拔嘆

茅屋為秋風所破歌

大雨

溪漲

戲贈友二首

遭田父泥飲美嚴中丞

喜雨

漁陽

黃河二首

天邊行

大麥行

苦戰行

去秋行

述古三首

杜工部集卷之四目錄終

杜工部集卷之四

古詩三十七首

初寓成都及至閬州作

石筍行

君不見益州城西門陌一作街上石筍雙高蹲

古來一作老相傳是海眼苔蘚蝕舊作食盡波

濤痕雨多一作來往往得瑟瑟此事恍惚難明

論恐是昔時卿相墓一作塚立石為表今仍存

惜哉俗態好蒙蔽亦如小臣媚至尊政化錯

迺失大體坐看傾危受厚恩嗟爾石笋擅虛名  
後來未識猶駿奔安得壯士擲天外使人  
不疑見本根

石犀行

君不見秦時蜀太守刻石立作三犀牛草堂本注

云當作五犀牛自古雖有厭勝法天生江水向一作須

東流蜀人矜誇一千載泛溢不近張儀樓今  
年灌口一作損戶口此事或恐為神羞終藉

草堂作隄防出衆力高擁木石當清秋先王

修築作法皆正道詭怪何得參人謀嗟爾三犀不

經濟缺訛只與長川逝但見元氣常一作相調

和自免洪濤恣凋瘵安得壯士一作作者提天綱

再平水土犀奔一作蒼茫

杜鵑行

君不見昔日蜀天子化作杜鵑似老鳥寄巢  
生子不自啄羣鳥至今與哺雛雖同君臣有

舊禮骨肉滿眼身羈孤業工窟伏深樹裏四月五月偏號呼其聲哀痛口流血所訴何事常區區爾豈摧殘始如晉作發憤羞帶羽翮傷形愚蒼天變化誰料得萬事反覆何所無萬事反覆何所無豈憶當殿羣臣趨

贈蜀僧問邱師兄

太常博士均之孫

大師銅梁秀籍籍名家孫嗚呼先博士炳靈精氣奔惟一作云昔武皇后臨軒御乾坤多士

盡儒冠墨客藹雲屯當時上紫殿不獨卿相

尊世傳問邱筆峻極逾

樊作

崑崙鳳藏丹青

暮

一作穴

龍去

一作出

白水渾青熒雪嶺東碑碣

舊製存斯文散都邑高價越瓊璠晚看作者

意妙絕與誰論吾祖詩冠古同年蒙主恩豫

章夾日月歲久空深根小子思疎濶豈能達

詞門窮愁

一作秋

一揮淚相遇卽諸昆我住錦

官城兄居祇樹園地近慰旅愁往來當邱樊

天涯歇滯雨，粳稻臥不翻。漂然薄遊倦，始晉作

如與道侶一作敦景晏步修廊而無車馬喧

夜闌接軟語一作夜言落月如金盆，漠漠世

界黑一作空驅驅爭奪繁，惟有摩尼珠可照

濁水源

泛溪

落景下高堂，進舟泛廻溪。誰謂築居小，未盡

喬木西，遠郊信荒僻。秋色有餘淒，練練峰上

雪纖纖。雲表覓童戲，左右云見前習弋

畢提攜。翻倒荷芰亂，指揮逕路迷。得魚已割

劇一作鱗採藕不洗泥，人情逐鮮美，物賤事已

迹一云睽吾村，靄暝姿異舍，雞亦棲蕭條，欲何

適。出處庶可齊，衣上見新月，霜中登故畦。濁

醪自初熟，東城多鼓鼙。

題壁畫馬歌韋偃畫陳浩然草堂本

韋侯別我有所適，知我憐君一作畫無敵戲



陳浩然拈秃筆掃驪驪歛見騏驎出東壁一  
本作試  
匹齧草一匹嘶坐看千里當霜蹄時危安得  
真致此與人同生亦同死

戲題畫山水圖歌

王宰畫宰丹青絕倫  
一本題字下有王宰

二  
字

十日畫一水五日畫一石能事不受相促迫

王宰始肯畱真跡壯哉崑崙方壺丈

一作圖挂

君高堂之素壁巴陵洞庭日本東赤南一作岸

水與銀河通中有雲氣隨飛龍舟人漁子入

浦漱山木盡亞

一作帶

洪濤風九工遠勢古莫

比咫尺應須論

一作行

萬里焉得并州快剪

刀剪取吳松半江水

題李尊師松樹障子歌

老夫清晨梳白頭元都道士來相訪握髮

手呼兒延入戶手提新畫青松障障子松林

靜杳冥憑軒忽若無丹青陰崖却承霜雪

露一云霧 幹偃蓋反走虬龍形老夫平生好奇古

對此興與精靈聚已知仙客意相親更覺良

工心獨苦松下丈人巾屨同偶坐似一作自是

商一作南山翁悵望一作悵聊歌紫芝曲時危慘

澹來悲風

戲為雙松圖歌 韋偃

天下幾人畫古松一作樹畢宏已老韋偃少絕

筆長風起織末滿堂動色嗟神妙兩株慘裂

苔蘚皮屈鐵交錯迴高枝白摧初骨龍虎死

黑入太陰雷雨垂松根胡僧憇寂寞眉皓

首無住著偏袒右肩露雙腳葉裏松子僧前

落韋侯韋侯數相見我有一匹好束一云素絹

重之不減錦繡段已令拂拭光凌亂請公放

筆為直幹

投簡成華兩縣諸子

赤縣官曹擁材傑軟裘快馬當冰雪長安一作

夜苦寒誰獨悲杜陵野老骨欲折南山豆苗  
早荒穢青門瓜地新凍裂鄉里兒童項領成  
朝廷故舊禮數絕自然棄擲與時異况乃疎  
頑臨事拙饑臥動卽向一旬弊裘何啻聯百  
結君不見空墻日色晚此老無聲淚垂血

徐卿二子歌

君不見徐卿二子生絕奇感應吉夢相追隨

孔子釋氏親抱送並是天上麒麟兒大兒九

齡色清徹秋水為神玉為骨小兒五歲氣食

牛滿堂賓客皆回頭吾知徐公百不憂積善

袞袞生公侯丈夫生兒有如此二雛者名位

豈肯卑微休一云異時名位

病柏

有柏生崇岡童童狀車一作青蓋偃蹇龍虎姿

主當風雲會神明依正直故老多再拜豈知

千年根中路顏色壞出非不得地蟠據亦高

大歲寒忽無憑一作日夜柯葉改一作丹鳳

領九雛哀鳴翔其外鴟鴞志意滿養子穿穴

窟一作內客從何鄉來佇立久吁怪靜求元精

無根理浩蕩難倚賴

病橘

羣一作伊橘少生意雖多亦奚為惜哉結實小

少一作酸澀如棠梨剖一作之盡蠹蟲樊作采

撥爽其所一作宜紛然不適口豈只存其皮蕭

蕭半死葉未忍忽一作別故枝元冬霜雪積况

乃迴風吹嘗聞蓬萊殿羅列瀟湘姿此物歲

不稔玉食失一作光輝寇盜尙憑陵當君減

膳時汝病是天意吾論一作罪有司憶昔

南一作海使奔騰獻荔支百馬死山谷到今

耆舊悲

枯櫻

蜀門多櫻一作欄高者十八九其皮割剝甚

杜集卷之四

雖眾亦易朽徒布一作如雲葉青黃歲寒後

交橫集斧斤凋喪先蒲柳傷時苦軍乏一物

官盡取嗟爾江漢人生成復何有有同枯椶

木使我沈嘆久死者即已休生者何一作自

守啾啾黃雀啁側見寒蓬走念爾形影乾一作

影枯形摧殘沒藜莠

枯栢

榿栢枯嶒嶒鄉黨皆莫記不知幾百歲慘慘

無生意上枝摩皇一作天下根蟠厚地巨圍

雷霆圻萬孔蟲蟻萃凍雨落流膠衝風奪佳

氣白鵠遂不來天雞為愁思猶含棟梁具無

復霄漢一作志良工古昔少識者出涕淚種

榆水中央成長何容易截承金露盤裊裊不

自畏

丈人山

自為青城客不唾青城地為愛丈人山丹梯

杜集卷之四

九 玉勾草堂

近幽意丈人祠西佳氣濃綠雲擬住最高峰  
掃除白髮黃精在君看他時冰雪容

百憂集行

憶年十五心尚孩健如黃犢走復來庭前八  
月梨棗熟一日上樹能千迴即今倏忽已五  
十一作即今年坐卧只多少行立強將笑語  
供主人悲見生涯百憂集入門依舊四壁空  
老妻觀我顏色同癡兒未知父子禮叫怒索

飯啼門東

戲作花卿歌

吳若本注題下此謂段子璋反東川李奐走成都崔光遠討平之時事也崔大夫謂光遠子章作此璋字李侯疑即奐嘗領東川以子璋亂出奔及平復得之鎮故云重有此節度也

成都猛將有花卿學語小兒知姓名用如快  
鶻風火生見賊唯多身始輕綿州副使著柘  
黃我卿掃除即日平子章璋一作髑髏血模糊  
手提擲還崔大夫李侯重有此節度人道我

卿絕世一作無既稱絕世無天子何不喚取

守京都

入奏行贈西山檢察使寶侍御

寶侍御驥之子鳳之雛年未三十忠義俱骨

鯁絕代無炯如一段清冰出萬壑置在迎風

寒露之玉壺蔗漿歸厨金盃凍洗滌煩熱足

以寧君軀政一作用疎通合典則威聯豪貴

軌文儒兵革未息人未蘇天子亦念西南隅

吐蕃憑陵氣頗麤竇氏檢察應時須樊作才

運糧繩橋壯士喜斬木火井窮猿呼八州刺

史思一戰三城守邊却可圖此行入奏計未

小密奉聖旨恩宜一作殊繡衣春當一云霄

漢立綵服日向一云庭闈趨樊本此下有開

正時須省郎京尹必俯拾一云江花未落還成

都江花未落還成都此句一云還肯訪浣花

老翁無一云公來肯為君酤酒滿眼酤二句

木集卷之四  
携酒肯訪浣花老  
為君著衫捋髭鬚  
與奴白飯馬青芻

樽樹為風雨所拔歎一作高

倚江樽樹草堂前故一作古老相傳二百年誅

茅卜居總為此五月髣髴聞寒蟬東南飄風

動地至江翻石走流雲氣幹晉作幹排雷雨猶

力爭根斷泉源豈天意滄波一云蒼茫老樹性所

愛浦上童童一青蓋野客頻畱懼雪霜行人

不過聽竽籟虎倒龍顛委榛樊作荆棘淚痕血

點垂胸臆我有新詩何處吟草堂自此無顏  
色

### 茅屋為秋風所破歌

八月秋高風怒號卷我屋上三重茅茅飛度

江灑一作滿江郊高者掛罨長林梢下者飄轉

沈塘坳南村羣童欺我老無力忍能對面為

盜賊公然抱茅入竹去唇焦口燥呼不得歸

來倚杖自嘆息俄頃風定雲墨色秋天漠漠



向昏黑布衾多年冷似象一作鐵驕兒惡臥踏

裏裂床床屋漏無乾處雨脚如麻未斷絕自

經喪亂少睡眠長夜沾濕何由徹安得廣厦

千萬間大庇天下寒士俱歡顏風雨不動安

如山嗚呼何時眼前突兀見此屋吾廬獨破

受凍死一作亦足

大雨

西蜀冬不雪春農尚嗷嗷上天回哀眷朱一作

清夏雲鬱陶執熱乃沸鼎織絺成縑袍風雷

颯萬里霈澤施蓬蒿敢辭茅葦漏已喜黍豆

高三日無行人二一作江聲怒號流惡邑里

清矧茲遠江臯荒庭步鶴鶴隱几望波濤沈

痾聚藥餌頓忘所進勞則知潤物功可以貸

不毛陰色靜壠畝勸耕自官曹四鄰耒耜出

一作出何必吾家操

溪漲

當時浣花橋溪水纔尺餘白石一作日明可把

水中有行車秋夏忽泛溢豈惟一作伊入吾廬

蛟龍亦狼狽况是鼈與魚茲晨已半落歸路

跬步疎馬嘶未敢動前有深填淤青青屋東

麻散亂床上書不意一作知遠山雨夜來復何

如我遊都市間一作云或晚憇必村墟乃知久

行客終日思其居

戲贈友二首

元年建巳月郎有焦校書自誇足膂力能騎

生馬駒一朝被馬踏脣裂板齒無壯心不肯

已欲得東擒胡

元年建巳月官有王司直馬驚折左臂骨折

面如墨駑駘漫一作慢深陳浩然泥何不避雨

色勸君休歎恨未必不為福

遭田父泥飲美嚴中丞

步履隨春風村村自花柳田翁逼社日邀我

嘗春酒酒酣誇新尹畜眼未見有迴頭指大  
男渠是弓弩手名在飛騎籍長番歲時久前  
日放營農辛苦救衰朽差科死則已誓不舉  
家走今年大作社拾遺能住否叫婦開大甌  
盆中爲吾取感此氣揚揚須知風化首語多  
雖雜亂說尹終在口朝來偶然出自卯將及  
酉久客惜人情如何拒鄰叟高聲索果栗欲  
起時被肘指揮過無禮未覺村野醜月出遮  
我畱仍嘆問升斗

喜雨

春旱天地昏日色赤如血農事都已

樊作休未

兵戈况騷屑巴人困軍須慟哭厚土熱滄江

夜來雨真宰罪一雪穀根小

一作少

蘇息沴氣

終不滅何由見寧歲解我憂思結崢嶸羣

一作

東山雲交會未斷絕安得鞭雷公滂沱洗吳

越

時聞浙省多盜賊

漁陽

漁陽突騎猶精銳赫赫雍王都一作前節制猛

將飄然恐後時本朝不入非高計祿山北築

雄武城舊防敗走歸其營繫書請問燕耆舊

今日何須十萬兵

黃河二首

黃河北岸海西軍椎鼓鳴鐘天下聞鐵馬長

鳴不知一作如數胡人高鼻動成羣

黃河西云南北俱非岸是吾故蜀欲須供給

家無粟願驅衆庶戴君王混一車書棄金玉

天邊行

天邊老人歸未得日暮東臨大江哭隴右河

源不種田胡騎羗兵入巴蜀洪濤滔天風拔

木前飛秃鷲後鴻一作黃鵠九度附書向洛陽

十年骨肉無消息

大麥行

大麥乾枯小麥黃一作婦女一作行泣夫走藏東

至集壁西梁洋問誰腰鎌胡與羗豈無蜀兵

三千人一作去一作千部一作簿一作領辛苦江山長安得

如鳥有羽翅託身白雲還故鄉

苦戰行

苦戰身死馬將軍自云伏波之子孫干戈未

定失壯士使我歎恨傷精魂去年江南英華作南

行一作討狂賊臨江把臂難再得別時孤雲今不

飛時獨看雲淚橫臆

去秋行

去秋涪江木落時臂槍一作走馬誰家兒到

今不知白骨處部曲有去皆無歸遂州城中

漢節在遂州城外巴人稀戰場冤魂每夜哭

空令野營猛士悲

述古三首

赤驥頓長纓非無萬里姿悲鳴淚至地為問

馭者誰鳳凰從東一作天來何意復高飛竹花

不結實念子忍朝饑古時君臣合可以物理

推賢人識定分進退一作用固一作因其宜

市人日中集於利競錐刀置膏烈火上哀哀

自煎熬農人望歲稔相率除蓬蒿所務穀一作

農為本邪羸無乃勞舜舉十六相身尊道何

高秦時任商鞅法令如牛毛

漢光得天下祚永固有開豈惟高祖聖功自

漢書曹來經綸中興業何代無長才慕吾寇登

勳濟時信良哉耿賈亦宗臣羽翼共徘徊休

運終四百圖盡在雲臺

杜工部集卷之四

杜集卷之四

七

玉勾草堂

杜集卷之四

十

玉勾草堂

杜工部集卷之五目錄

杜工部集卷之五目錄

古詩五十六首

觀打魚歌

又觀打魚

越王樓歌

海棕行

姜楚公畫角鷹歌

相從歌贈嚴二別駕

杜集卷之五目錄

十一

玉勾草堂

光祿坂行

冬到金華山觀因得故拾遺陳公學堂

遺跡

陳拾遺故宅

謁文公上方

奉贈射洪李四丈

早發射洪縣南途中有作

通泉驛南去通泉縣十五里山水作

過郭代公故宅

觀薛稷少保書畫壁

通泉縣署屋壁後薛少保畫鶴

陪王侍御同登東山最高頂宴姚通泉

晚攜酒泛江

春日戲題惱郝使君兄

短歌行贈王郎司直

短歌行送祁錄事



陪章留後惠義寺餞嘉州崔都督赴州  
將適吳楚留別章使君留後兼幕府諸

公得柳字

山寺

櫻拂子

桃竹杖引

寄題江外草堂

觀曹將軍畫馬圖

送韋諷上閬州錄事參軍

丹青引

閬州東樓筵送十一舅往青城縣得昏  
字

嚴氏溪放歌行

南池

發閬中

寄韓諫議

憶昔二首

冬狩行

自平

釋悶

贈別賀蘭鈺

別唐十五誠因寄禮部賈侍郎

闐山歌

闐水歌

三絕句

草堂

四松

水檻

破船

營屋

除草

揚旗

太子張舍人遺織成褥段

莫相疑行

別蔡十四著作

杜工部集卷之五目錄終

杜工部集卷之五

古詩五十六首

居東川再至閬州復還成都作

觀打魚歌

綿州江水之

一作水

東津魴魚鱖鱖色勝銀漁

人漾舟沉大網截江一擁數百鱗衆魚常才

盡却棄赤鯉騰出如有神潛龍無聲老蛟怒迴

西晉作

風颯颯吹沙塵饕子左右揮霜刀鱠飛

金盤白雪高徐州秃尾不足憶

一作惜

漢陰槎

頭遠遁逃魴魚肥美知第一既飽歡娛亦蕭  
瑟君不見朝來割素鬢咫尺波濤永相失

又觀打魚

蒼江漁子清晨集設網提綱萬一作魚急能

者操舟疾若風撐突波濤挺叉入小魚脫漏

不可記一作半死半生猶戢戢大魚傷損皆

垂頭屈強泥沙一作沙頭有時立東津觀魚已再

來主人罷餽還傾盃日暮蛟龍改窟穴山根

鱸鮓隨雲雷干戈兵革鬪未止一云干戈格

物聖所哀

越王樓歌

綿州州府何磊落顯慶年中越王作孤城西

北起高樓碧瓦朱甍照城郭樓下長江百丈

清山頭落日半輪明君王舊跡今人賞轉見

千秋萬古情

海棕行

左綿公館清江濱海棕一株高入雲龍鱗犀  
甲相錯落蒼稜白皮十抱文自一作是衆木  
亂紛紛海棕焉知身出羣移栽北辰不可得  
時有西域胡僧識

姜楚公畫角鷹歌

楚公畫鷹鷹戴角殺氣森森一作到幽朔觀  
者貪愁爵作徒驚掣臂一作飛畫師不是無心學

此鷹寫真在左綿却嗟真骨遂虛傳梁間燕  
雀休驚怕亦未搏空上九天

相從歌贈嚴二別駕一云嚴別駕相逢歌

我行入東川十步一迴首成都亂罷氣蕭颯

一作瑟浣花草堂亦何有梓中一作豪俊一作

貴大者誰本州從事知名久把臂開樽飲我

酒酒酣擊劍蛟龍吼烏帽拂塵青螺一作粟

紫衣將炙緋衣走銅盤燒蠟光一作吐日夜

如何其初促膝黃昏始扣主人門誰謂俄傾

晉作我傾膠在漆萬事盡付形骸外百年未見一作

及歡娛畢神傾意豁真佳士久客多憂今愈

疾高視乾坤又可一作何愁一軀交態同一作真

悠悠垂老遇君未恨晚似君須向古人求

光祿坂行

山行落日下絕壁西望千山萬山水一作赤樹

枝有鳥亂鳴一作棲時暝色無人獨歸客馬驚

不憂深谷墜草動只怕長弓射安得更似開

元中道路即今多一作何擁隔

冬到金華山觀因得故拾遺陳公學堂

遺跡

涪右衆山內金華紫崔嵬上有蔚藍天垂光

抱瓊臺繫舟接絕壁杖策窮縈回四顧俯層

巔淡然川谷開雪嶺日色一作光死霜鴻有餘

哀焚香玉女跪霧裏仙人來陳公讀書堂石

柱仄青苔悲風爲我起激烈傷雄才

陳拾遺故宅

拾遺平昔居大屋一作宅尙脩椽悠揚一作悠悠荒

山日慘淡一作崔翠故園一作國烟位下曷足傷所

貴者聖賢有才繼騷雅哲匠不比肩公生揚

馬後名與日月懸同遊英俊人多秉輔佐權

彥昭超一作趙玉價郭振一作震起通泉到今素

壁滑洒翰銀鈎連盛事會一時此堂豈千年

終古立占 忠義感遇有遺編

謁文公上方

野寺隱喬木山僧高下居石門日色異絳氣

橫扶疎窈窕一作宵窕入風磴長蘿紛卷舒庭前

猛虎臥遂得文公廬俯視萬家邑烟塵對階

除吾師雨花外不下十年餘長者自布金禪

龕只晏如大火一作珠脫玷翳白月當空一作日

虛甫也南北人蕪蔓少耘鋤久遭詩酒汚何

事忝簪裾王侯與螻蟻同盡隨邱墟願聞第一義迴向心地初金篦刮眼膜價重百車渠無生有汲引茲理儻吹嘘

奉贈射洪李四丈

明甫

丈人屋上烏人好烏亦好人生意氣豁不在相逢早南京亂初定所向邑一作枯槁遊子無根株茅齋付秋草東征下月峽挂席窮海島萬里須十金妻孥未相保蒼茫風塵際躋躓騏驎老志士懷感傷心胸已傾倒

早發射洪縣南途申作

將老憂貧竄筋力豈能及征途乃一作後侵星得使諸病入鄙人寡道氣在困無獨立俶裝逐徒旅達曙凌險澁寒日出霧遲清江轉山急僕夫行不進駑馬若維繫汀洲稍疎散風景開快一云悒空慰所向懷終非曩遊集衰顏偶一破勝事難屢一云挹茫然阮籍途



更洒楊朱泣

通泉驛南去通泉縣十五里山水作

溪行衣自濕亭午氣始散冬溫蚊蚋在一作集

人遠鳧鴨亂登頓生會陰歆傾出高岸驛樓

衰柳側縣郭輕烟畔一川何綺麗盡日一作日

窮壯觀山色遠寂寞江光夕滋漫傷一作知時

愧孔父去國同王粲我生苦飄零所歷有嗟

歎

過郭代公故宅

豪俊初未遇其跡或脫略代公尉通泉放意

何自若及夫登袞冕直氣森噴薄一本此下有精魄凜

如在所歷磊落見異人豈伊常情度定策神

龍後宮中翕清廓俄頃辨尊親指揮存顧託

羣公有一作見慚色王室無削弱迴出名臣上

丹青照臺閣我行得遺跡一作址池館皆疏鑿

壯公臨事斷顧步涕橫落草堂木精魄凜如一聯在此下

高咏寶劍篇神交付冥漠

觀薛稷少保書畫壁

少保有古風得之陝郊篇惜哉功名忤但見  
書畫傳我游梓州東遺跡涪江邊畫藏青蓮  
界書入金牘懸仰看垂露姿不崩亦不窳鬱  
鬱三大字蛟龍岌相纏又揮西方變發地扶  
屋椽慘淡壁飛動到今色未填此行疊壯觀  
郭薛俱才賢不知百載後誰復來通泉

通泉縣署屋壁後薛少保畫鶴

薛公十一鶴皆寫青田真畫色久欲盡蒼然  
猶出塵低昂各有意磊落如長人佳此志氣  
遠豈惟粉墨新萬里不以力羣遊森會神威  
遲白鳳態非是倉鷓鄰高堂未傾覆常一作幸  
得慰嘉賓曝露牆壁外終嗟風雨頻赤霄有  
真骨耻飲滂池津冥冥任所往脫畧誰能馴

陪王侍御同登東山最高頂宴姚通泉

晚攜酒泛江

姚公美政誰與儔不減昔時陳太邱邑中上  
客有柱史多暇日陪驄馬游東山高頂羅珍  
羞下顧城郭銷我憂清江白日日落欲盡復攜  
美人登綵舟笛聲愠怨一作怒哀中流妙舞透  
迤夜未休燈前往往大魚出聽曲低昂如有  
求三更風起寒浪湧取樂喧呼覺船重滿空  
星河光破碎四座賓客色不動請公臨深一作

莫相違廻船罷酒上馬歸人生歡會豈有  
極無使霜過一作露霑人衣

春日戲題惱郝使君兄

使君意一作俊氣凌青霄憶昨歡娛常見招細  
馬時鳴金騶裏佳人屢出董嬌饒東流江水  
西飛鷺可惜春光不相見願攜王趙兩紅顏  
再騁肌膚如素練通泉百里近梓州一作諸請  
公一來開我愁舞處重看花滿面尊前還有

錦纏頭

短歌行

贈王郎  
司直

王郎酒酣拔劍斫地歌莫哀我能拔爾抑塞  
磊落之奇才豫樟翻風白日動鯨魚跋浪滄  
溟開且脫佩劍休徘徊西得諸侯棹錦水欲  
向何門跋吳作珠履仲宣樓頭春色一作深  
青眼高歌望吾子眼中之人吾老矣

短歌行

送祁錄事歸台州因寄蘇使  
君草堂本作邛州錄事

前者途中一相見人事經年記君面後生相  
動一作何寂寥君有長才不貧賤君今起旆  
春江流余亦沙邊具小舟幸為達書賢府主  
江花未盡會江樓

陪章畱後惠義寺餞嘉州崔都督赴州

中軍待上客令肅事有恒前驅入寶地祖帳

飄金繩南陌

一作伯

既畱歡茲山亦深登清聞

樹杪磬遠謁雲端僧迴策匪新岸

樊所

所攀

仍舊藤耳激洞門  
鷗目存寒谷  
冰出塵悶軌  
躅畢景遺炎  
蒸永願坐長夏  
將衰棲大乘  
羈旅惜宴會  
艱難懷友朋  
勞生共幾何  
離恨兼相仍

將適吳楚留別章使君留後兼幕府諸

公得柳字

我一作甫來入蜀門  
歲月亦已久  
豈唯長兒童

自覺成老醜  
常恐性坦率  
失身為杯酒  
近辭痛飲徒折節  
萬夫一作人後昔如一作若縱壑魚

今如喪家狗  
既無遊方戀  
行止復何有  
相逢

半新故取別  
隨薄厚不意  
青草湖扁舟  
落吾

手眷眷章梓州  
開筵俯高柳  
樓前出騎馬  
帳

下羅賓友健  
兒簸紅旗此  
樂或一作幾難朽日

車隱崑崙鳥雀噪  
戶牖波濤未足畏  
一作慰三

峽徒雷吼所憂盜賊多  
重見衣冠走中原  
消

息斷黃屋今安否  
終作適荆蠻  
安排用莊叟

隨雲拜東皇挂席上南斗有使即寄書無使  
長迴首

山寺

得開字章  
畱後同遊

野寺根

一作限

石壁諸龕遍崔嵬前佛不復辨

百身一莓苔

一作唯

有古殿存世尊亦塵埃

如聞龍象泣足令信者哀使君騎紫馬捧擁

從西來樹羽靜千里臨江久徘徊山僧衣藍

縷告訴棟梁摧公為顧

一作領

賓徒

荆作從一  
作兵從

咄嗟檀施開吾知多羅樹却倚蓮華臺諸天

必歡喜鬼物無嫌猜以茲撫士卒孰曰非周

才窮子失淨處高人憂禍胎歲晏風破肉荒

林寒可迴思量入

一作人

道苦自晒同嬰孩

櫻拂子

櫻拂且薄陋豈知身効能不堪代白羽有足

除蒼

一作青

蠅熒熒金錯刀擢擢朱絲繩非獨

顏色好亦用

晉作由

顧盼稱吾老抱疾病家貧

木身卷之三  
卧炎蒸咽膚倦撲滅賴爾甘服膺物微世競  
棄義在誰肯徵三歲清秋至未敢闕緘滕

桃竹杖引

贈章  
畱後

江心

一作上

蟠石生桃竹蒼波噴浸尺度足斬

根削皮如紫玉江如水仙惜不得梓橦使君

一作者

開一束滿堂賓客皆歎息憐我老病贈

兩莖出入爪甲鏗有聲老夫復欲東南征乘

濤鼓柁

一作棹

白帝城路幽必為鬼神奪拔一作

杖劍或與蛟龍爭重為告曰杖兮杖兮爾之

生也甚正直慎勿見水踴躍學變化為龍使

我不得爾之扶持滅跡于君山湖上之青峰

噫風塵瀕洞兮豺虎咬人忽失雙杖兮吾將

曷從

寄題江外草堂

梓州作寄  
成都故居

我生性放誕難欲逃自然嗜酒愛風

一作修

竹

卜居必

一作此

林泉遭亂到蜀江卧病遣

晉作遺

北集卷之五

七

玉勾草堂

所便誅茅初一畝廣地方一作必連延經營上

元始斷手寶應年敢謀土木麗自覺面勢堅

賢一作臺亭一作亭臺隨高下敞豁當清川雖樊作

有會心侶數能同釣船干戈未偃息安得酣

歌眠蛟龍無定窟黃鵠摩蒼天古來達士志

達士一作賢寧受外物牽顧惟魯鈍姿豈識悔吝

先偶攜老妻去慘澹凌風烟事跡無固必幽

貞媿雙全尚念四小松蔓草易一作已拘纏霜

骨不甚長永為鄰里憐

韋諷錄事宅觀曹將軍畫馬圖

國初已來畫鞍馬神妙獨數江都王將軍得

名三樊作四十載人間又見真乘黃曾貌先帝

照夜白龍池十日飛霹靂內府殷紅馬腦盃

一作盤婕妤傳詔才人索盃賜將軍拜舞歸輕

紈細綺相追飛一作隨貴戚權門得筆跡始覺

屏障生光輝昔日太宗拳毛騮近時郭家師



子花今之新一作圖有二馬復令識者久歎

嗟此皆騎戰一敵萬縞素漠漠開風沙其餘

七匹亦殊絕迥若寒空動烟雪霜蹄蹴踏長

楸間馬官廝養森成列可憐九馬爭神駿顧

視清高氣深穩借問苦心愛者誰後有韋諷

前支遁憶昔巡幸新豐宮翠華拂天來向東

騰驤磊落三萬匹皆與此圖筋骨同自從獻

寶朝河宗無復射蛟江水中君不見金粟堆

前松柏裏龍媒去盡鳥呼風

送韋諷上閩州錄事參軍

國步猶艱難兵革未衰息萬方哀一作嗷嗷

十載一作供軍食庶官務割剝不暇憂反側

誅求何多門賢者貴為德晉作賢俊韋生富

春秋洞澈有清識操持紀綱地喜見朱絲直

當令晉作豪奪吏自此無顏色必若救瘡痍

先應去蝥賊揮淚臨大江高天意悽惻行行

樹佳政慰我深相憶

丹青引

贈曹將軍霸

將軍魏武之子孫於今為庶為清門英雄割

據雖

一作皆

已矣文彩風流猶

荆作今

尚存學書

初學衛夫人但恨無

晉作未

過王右軍丹青不

知老將至富貴於我如浮雲開元之中一作年

常引見承恩數上南薰殿凌烟功臣少顏色

將軍下筆開生面良相頭上進賢冠猛將腰

間大羽箭褒公鄂公毛髮動英姿颯爽

颯爽

來

樊作猶

酣戰先帝天

一作御

馬玉花驄畫工如

山貌不同是日牽來赤墀下迴

一作憂

立閭闔

生長風詔謂將軍拂絹素意匠慘淡經營中

斯須九重真龍出一洗萬古凡馬空玉花却

在御榻上榻上庭前屹相向至尊含笑催賜

金圍人太僕皆惆悵弟子韓幹早入室亦能

畫馬窮殊相

一作狀

幹惟畫肉不畫骨忍使驂

本集卷之三  
驪氣凋喪將軍盡一作善妙一作蓋有神必作

偶逢佳士亦寫真即今飄泊干戈際屢貌尋

常行路人途窮反遭俗眼白世上未有如公

貧英華作他富至今我徒貧但看古來盛名下終日坎壈

纏其身

閩州東樓筵奉送十一舅往青城縣得

昏字

會城有高樓舊作會制古丹雘存迢迢百餘尺

豁達開四門雖有一作會車馬客而無人世喧

遊目俯大江列筵慰別魂是時秋冬交節往

顏色昏天寒鳥獸休一作伏霜露在草根今我

送舅氏萬感集清樽豈伊山川間迴首盜賊

繁高賢意不暇王命久崩奔臨風欲慟哭聲

出已復吞

嚴氏溪放歌行

天下甲晉作兵馬未盡銷豈免溝壑常漂漂劒

士集卷之三

老 玉勾草堂

南歲月不可度邊頭公卿仍獨驕樊作何費其驕  
心姑息是一役肥肉大酒徒相要嗚呼古人  
已糞土獨覺志士甘漁樵况我飄轉無定所  
終日慼慼忍羈旅秋宿樊作夜霜一作清溪素月  
高喜得與子長夜語東遊西還力實倦從此  
將身更何許知子松根長茯苓遲暮有意來  
同煮

南池

崢嶸巴閬間所向盡山谷安知有蒼池萬頃  
浸坤軸呀然闔城南枕一作控帶巴江腹芰荷  
入異縣稷稻共比屋皇天不無意美利戒止  
足高田失西成此物頗豐熟清源多衆魚遠  
岸富喬木獨歎楓香林春時好顏色南有漢  
王晉作主祠終朝走巫祝歌舞散靈衣荒哉舊  
風俗高堂一作皇亦明王魂魄猶正直不應空  
陂上縹緲親酒食淫祀自古昔非唯一川瀆

干戈浩茫茫地僻傷極目平生江海一云溟渤興  
遭亂身局促駐馬問漁舟躊躇慰羈束

發閩中

前有毒蛇後猛虎溪行盡日無村塢江風蕭  
蕭雲拂地山木慘慘天欲雨女病妻憂歸意  
速一作秋花錦石誰復一作能數別家三月一  
得書一作書來避地何時免愁苦

寄韓諫議

今我不樂思岳陽身欲奮飛病在床美人娟  
娟隔秋水濯足洞庭望八荒鴻飛冥冥日月  
白青楓葉赤天雨一作飛霜玉京羣帝集北斗  
或騎騏驎翳鳳皇芙蓉旌旗一作旄烟霧樂影  
動倒景搖瀟湘星宮之君醉瓊漿羽人稀少  
不在旁似聞昨者赤松子恐是漢代韓張良  
昔隨劉氏定長安帷幄未改神慘傷國家成  
敗吾豈敢色難腥腐餐風一作楓香周南畱滯

古所一作莫惜南極老人應壽昌美人胡爲隔  
秋水焉得置之貢玉堂

憶昔二首

憶昔先皇巡朔方千乘萬騎入咸陽陰山驕  
子汗血馬長驅東胡胡走藏鄴城反覆不足  
怪關中小兒壞紀綱張后不樂上爲忙至今  
今上猶撥亂勞身焦思補四方我昔近侍叨  
奉引出兵一作兵出整肅不可當一作忘爲雷猛士

守未央致使岐雍防西羌犬戎直來坐御床  
百官跣足隨天王願見北地傅介子老儒不  
用尚書郎

憶昔開元全盛日小邑猶藏萬家室稻米流  
脂粟米白公私倉廩俱豐一作富實九州道  
路無豺虎一作狼遠行不勞吉日出齊統魯縞  
車班班男耕女桑不相失宮中聖人奏雲門  
天下朋友皆膠漆百餘年間未災變叔孫禮

樂蕭何律豈聞一絹直萬錢有田種穀今流血洛陽宮殿燒焚盡宗廟新除狐兔穴傷心不忍問耆舊復恐初從亂離說小臣魯鈍無所能朝廷記識蒙祿秩周宣中興望我皇洒

血

一作

江漢身

荆作

衰疾

冬狩行

時梓州刺史章彝兼待御史畱後東川

君不見東川節度兵馬雄校獵亦似觀成功夜發猛士三千人清晨合圍步驟同禽獸已

斃十七八殺聲落日迴蒼穹幕前生致九青兕駝駟崑崙垂元熊東西南北百里間髣髴蹴踏寒山空有鳥名鸚鵡力不能高飛逐走蓬肉味不足登鼎俎何爲見羈虞羅中春蒐冬狩侯一作得同使君五馬一馬驄况今攝行大將權號令頗有前賢風飄然時危一老翁十年厭見旌旗紅喜君士卒甚整肅爲我迴轡擒西戎草中狐兔盡何益天子不在咸

陽宮朝廷雖無幽王禍得不哀痛塵再蒙  
呼得不哀痛塵再蒙

自平

自平宮中呂太一一作中宮 一作中官收珠南海千餘

日近供生犀翡翠稀復恐征戎一作戎干戈密

蠻溪豪族小山一作山動搖世封刺史非時一作常

朝蓬萊殿前一作裏諸主將才如伏波不得驕

釋悶

四海十年不解兵犬戎一作羊也復臨感京失

道非關出襄野揚鞭忽是過胡晉作湖城豺狼

塞路人斷絕烽火照夜屍縱橫天子亦應厭

奔走羣公固合思昇平但恐誅求不改轍聞

道屢孽能一作今全生江邊老翁錯料事眼暗

不見風塵清

贈別賀蘭鈺

黃雀飽野粟羣飛動荆榛今君抱何恨寂寞



向時人老驥倦驤首蒼一作鷹愁易馴高賢  
世未識固合嬰饑貧國步初返正乾坤尚風  
塵悲歌鬢髮白遠赴湘吳春我戀岷下芋君  
思千里尊生離與死別自古鼻酸辛

別唐十五誠因寄禮部賈侍郎

九載一相逢百年能幾何復爲萬里別送子  
山之阿白鶴久同林潛魚本同河未知棲集  
期衰老強高歌歌罷兩悽惻六龍忽蹉跎相

視髮皓白况難駐羲和胡星墜燕地漢將仍  
橫戈蕭條四海內人少豺虎多少人慎莫投  
多虎信所過饑有易子食獸猶畏虞羅子負  
經濟才天門鬱嵯峨飄飄適東周來往若一作  
亦崩波南宮吾故人白馬金盤隨雄筆映于  
古見賢心靡一作匪他念子善師事歲寒守舊  
柯爲吾謝賈公病肺卧江沱

閬山歌

閬州城東靈一作雪山白閬州城北玉臺一作壺

碧松浮欲盡不盡雲江動將崩未崩石那知

根無鬼神會已覺氣與嵩華敵中原格鬪且

未歸應結茅齋看一作著青壁一作應著茅齋向青壁

閬水歌

嘉陵江色一作山何所似石黛碧玉相因依正

憐日破浪花一作閬山出更復春從沙際歸巴童

蕩槳欹側過水雞銜魚來去飛閬中勝事可

腸斷閬州城南天下稀

三絕句

前一作去年渝州殺刺史今年開州殺刺史羣

盜相隨劇虎狼食人更肯畱妻子

二十一家同入蜀唯殘一人出駱谷自說二

女鬻臂時迴頭却向秦雲哭

殿前兵馬雖驍雄縱暴畧與羌渾同聞道殺

人漢水上婦女多在官軍中

草堂

昔我去草堂蠻夸塞成都今我歸草堂成一作

此都適無虞請陳初亂時反覆乃須與一作斯須

大將赴朝廷羣小起異圖中宵斬白馬盟歃

氣已麤西取邛南兵北斷劔閣隅布衣數十

人亦擁專城居其勢不兩大始聞蕃漢殊西

卒却倒戈賊臣互相誅焉知肘腋禍自及梟

獍徒義士皆痛憤紀綱亂相踰一國實三公

萬人欲為魚唱和一作能威福孰肯一作辨無辜

眼前列柵械背後吹笙等談笑行殺戮濺一作

流血滿長衢到今用鉞地風雨聞號呼鬼一作

人妾與鬼馬色悲充爾娛國家法令在此又

足驚吁賤子且奔走三年望東吳弧矢暗江

海難為遊五湖不忍竟舍此復來薤榛蕪入

門四松在步屨一作堞萬竹疎舊犬喜我歸低

徊入衣舊作我裾鄰舍喜我歸沽酒攜胡蘆一作云

提榼一作大官喜一作我來遣騎問所須城郭喜

知一作我來賓客隘一作村墟天下尙未寧健

兒勝腐儒飄飄一作風塵際何地置一作老

夫於時見一作疣贅骨髓幸未枯飲啄媿殘

生食薇不敢餘

四松

四松初移時大抵三尺強別來忽三載一作

離立如人長會看根不拔莫計枝凋傷幽色

幸一作會秀發疎柯亦一作昂藏所插小藩籬

本亦有隄防終然振直庚切撥損得恹一作干

葉黃敢為故林主黎庶猶未康避賊今始歸

春草滿空堂覽物歎衰謝及茲慰淒涼清風

為我起洒面若微霜足以送老姿一作足為

聊待一作偃蓋張我生無根帶一作配爾一作

汝亦茫茫有情且賦詩事迹可兩一作忘勿

矜千載後慘澹蟠穹蒼

水檻

蒼江多風颺雲雨晝夜飛茅軒駕巨浪焉得  
不低垂遊子久在外門戶無人持高岸尚如  
一作爲谷何傷浮柱欹扶顛有勸誠恐貽識者  
嗤旣殊大厦傾可以一木支臨川視萬里何  
必欄檻爲人生感故物慷慨有餘悲

破船

平生江海心宿昔具扁舟豈惟青溪上日傍  
柴門遊蒼皇避亂兵緬邈懷舊邱鄰人亦已  
非野竹獨脩脩舩舩不重扣埋沒已經秋仰  
看西飛翼下愧東逝流故者或可掘新者亦  
易求所悲數奔竄白屋難久留

營屋

我有陰江竹能令朱夏寒陰通積水內高入  
浮雲端甚一作疑鬼物憑不顧剪伐殘東偏  
若面勢戶牖永可安愛惜已六載茲晨去干

竿蕭蕭見白日淘淘開奔湍度之匪華麗養  
拙異考槃草茅雖薙葺衰疾方少寬洗然順  
所適此足代加餐寂無斤斧響庶遂憇息歡

除草

吳若本注去蕪草也蕪音潛山韭

草有害于人曾何生阻修其毒甚蜂蠆其多  
彌道周清晨步前林江色未散憂芒刺在我  
眼焉能待高秋霜露一作雪一一作露凝一作衣蕪葉  
亦難畱荷鋤先童稚日入仍討求轉致水中

央豈無雙釣舟頑根易滋蔓敢使依舊邱自

茲一作移

藩籬曠更覺松竹幽芟夸不可闕疾

惡信如讎

揚旗

二年夏六月成都尹嚴公置酒公堂觀騎士試新旗幟

江一作風

雨颯長夏府中有餘清我公會賓客

肅肅有異聲初筵閱軍裝羅列照廣庭庭空

六一作四

馬入駮駮揚旗一作旆旌迴迴偃飛蓋

熠熠迸流星來纏一作衝

風颺急去擘山岳傾

材歸俯身盡妙取畧地平虹霓就掌握舒卷  
隨人輕三州陷犬戎但見西嶺青公來練猛  
士欲奪天邊城此堂不易升庸蜀日已寧吾  
徒且加餐休適蠻與荆

太子張舍人遺織成褥段

客從西北來遺我翠一作細織成開緘風濤湧

中有掉尾鯨逶迤羅水族瑣細不足名客云  
充君褥承君終宴榮空堂魑魅一作魍魎走高枕

形神清領客珍重意願我非公卿畱之懼不

祥施之混柴荆服飾定尊卑大哉萬古程今

我一賤老短一作短褐更無營煌煌珠宮物寢

處禍所嬰一作縈歎息當路子干戈尙縱橫掌

握有權柄衣馬自一作已肥輕李鼎死岐陽實

以驕貴盈來瑱賜自盡氣豪直一作眞阻兵皆

聞黃金多坐見悔吝生奈何田舍翁受此厚

貺情錦鯨卷還客始覺心和平振我麤席塵

媿客茹

一作飯

藜羹

皆聞一作昔聞

莫相疑行

男兒生無所成頭皓白

樊作男兒一生無成頭皓白

牙齒

欲落真可惜憶獻三賦蓬萊宮自怪一日聲

輝

一作輝荆作炬

赫集賢學士如堵牆觀我落筆中

書堂往時文彩動人主

此文粹作今

日饑寒趨路

旁晚將末契託年少

文粹晚將末節契年少

當面輸一作

論心背面笑寄謝悠悠世上兒不一作莫爭好

惡莫相疑

別蔡十四著作

賈生慟哭後寥落無其人安知蔡夫子高義

邁等倫獻書謁皇帝志已清風塵流涕灑丹

極萬乘為酸辛天地則創痍朝廷當

一作多正

臣異才復聞出周道日惟新使蜀見知已別

顏始一伸主人薨城府扶櫬歸咸秦巴道此

相逢會我病江濱憶念鳳翔都聚散俄十春



我衰不足道但願子意

一作音

陳稍令社稷安

自契魚水親我雖消渴甚敢忘帝力勤尙思

未朽骨復覩耕桑民積水駕三峽浮龍倚長

津

一云輪困

揚船洪濤間仗子濟物身鞍馬下秦

塞王城通北辰元甲聚不散兵久食恐貧窮

谷無粟帛使者來相因若憑

一云逢

南轅吏

陳作

使書札到天垠

杜工部集卷之五

